

UNIVERZITET U TUZLI

Na osnovu člana 133., a u vezi sa članom 125. stav 1. tačka i) i članom 132. stav 2. Statuta Univerziteta u Tuzli (Drugi prečišćeni tekst), te Odluke Umjetničko-nastavnog vijeća Akademije dramskih umjetnosti Univerziteta u Tuzli i Odluke Naučno-nastavnog vijeća Rudarsko-geološko-građevinskog fakulteta Univerziteta u Tuzli, Univerzitet u Tuzli ponovo raspisuje

KONKURS za izbor dekana fakulteta/Akademije Univerziteta u Tuzli

I

Raspisuje se Konkurs za izbor dekana fakulteta/Akademije Univerziteta u Tuzli i to:

- Akademije dramskih umjetnosti u Tuzli,
- Rudarsko-geološko-građevinskog fakulteta u Tuzli.

II

Za dekana fakulteta/Akademije može biti izabran kandidat koji ispunjava slijedeće **opće i posebne uslove**:

Opći uslovi:

- a) da je državljanin BiH,
- b) da je zdravstveno sposoban za obavljanje funkcije dekana fakulteta,
- c) da nije osuđivan za krivično djelo i privredni prijestup, koji predstavljaju smetnju za izbor na datu funkciju, u roku od 5 (pet) godina od dana izdržane, izvršene, zastarjele ili oproštene kazne,
- d) da mu odlukom suda nije zabranjeno obavljanje date funkcije,
- e) da nepostoji optužnica Međunarodnog suda za ratne zločine za bivšu Jugoslaviju (član IX. 1., Ustava BiH).

Posebni uslovi:

- a) da je izabran u naučno-nastavno odnosno umjetničko-nastavno zvanje redovnog profesora, vanrednog profesora ili docenta na Univerzitetu u Tuzli,
- b) da je u radnom odnosu na Univerzitetu u Tuzli sa punim radnim vremenom, odnosno da potpiše izjavu da će nakon izbora zasnovati takav radni odnos,
- c) da poznaje (aktivno govori) najmanje jedan svjetski jezik,
- d) da nema funkciju u izvršnim organima političke partije ili organizacije koja je povezana sa političkom partijom i
- e) da nema privatni finansijski interes na Univerzitetu u Tuzli.

Dekan fakulteta/Akademije se imenuje na mandatni period od 4 (četiri) godine.

Kandidat koji u toku mandata stiže uslove za penziju ne može biti izabran za dekana fakulteta/Akademije.

III

Uz **prijavu** na Konkurs kandidati su dužni priložiti, u **originalu ili ovjerenoj fotokopiji**, dokaze o ispunjavanju općih i posebnih uslova i to:

1. biografiju,
2. uvjerenje o državljanstvu BiH izdato nakon 17.06.2013. godine, u skladu sa tačkom a) općih uslova,
3. izjavu da nisu osuđivani za krivično djelo i privredni prijestup koji predstavljaju smetnju za izbor na datu funkciju, u roku od 5 (pet) godina od dana izdržane, izvršene, zastarjele ili oproštene kazne, ovjerenu kod nadležnog organa ili notara, u skladu sa tačkom c) općih uslova,
4. izjavu da im odlukom suda nije zabranjeno obavljanje aktivnosti na navedenoj funkciji, ovjerenu od strane nadležnog organa ili notara, u skladu sa tačkom d) općih uslova,

5. izjavu da nije podignuta optužnica Međunarodnog suda za ratne zločine u bivšoj Jugoslaviji, ovjerenu kod nadležnog općinskog organa ili notara, u skladu sa tačkom e) općih uslova,
6. odluku o izboru u naučno-nastavno odnosno umjetničko-nastavno zvanje na Univerzitetu u Tuzli, u skladu sa tačkom a) posebnih uslova,
7. uvjerenje da je u radnom odnosu na Univerzitetu u Tuzli sa punim radnim vremenom, odnosno potpisanu Izjavu da će nakon izbora zasnovati takav radni odnos, ovjerenu kod nadležnog organa ili notara, u skladu sa tačkom b) posebnih uslova,
8. dokaz da poznaje (aktivno govori) najmanje jedan svjetski jezik, u skladu sa tačkom c) posebnih uslova (certifikat verifikovane škole stranih jezika/uvjerenje o položenom stranom jeziku na visokoškolskoj ustanovi),
9. izjavu da nema funkciju u izvršnim organima političke partije ili organizacije povezane sa političkom partijom, ovjerenu kod nadležnog organa ili notara, u skladu sa tačkom d) posebnih uslova,
10. izjavu da nema privatni finansijski interes na Univerzitetu u Tuzli, ovjerenu kod nadležnog organa ili notara, u skladu sa tačkom e) posebnih uslova.

Dokaz o ispunjavanju uslova iz tačke b) općih uslova (ljekarsko uvjerenje o zdravstvenoj sposobnosti za obavljanje funkcije dekana), ne starije od 6 (šest) mjeseci, dužan je naknadno dostaviti samo kandidat koji bude izabran na navedenu funkciju, a prije zaključivanja ugovora o radu, odnosno aneksa ugovora o radu.

Kandidati koji nisu zaposlenici Univerziteta u Tuzli dužni su dostaviti i potvrdu izdatu od poslodavca ili Federalnog zavoda PIO/MIO ako nisu zaposleni, o ukupno ostvarenom stažu osiguranja.

IV

Kandidat za dekana fakulteta/Akademije dužan je, uz prijavu na Konkurs dostaviti i **Program rada i razvoja fakulteta/Akademije za mandatni period** u pisanoj verziji.

Program rada i razvoja fakulteta/Akademije iz prethodnog stava, kandidat je dužan dostaviti i u elektronskoj verziji (na CD-u) za potrebe prezentiranja istog na sjednici Naučno-nastavnog odnosno Umjetničko-nastavnog vijeća fakulteta/Akademije.

V

Prijave, sa svim potrebnim dokazima, dostavljaju se u roku od 15 (petnaest) dana od dana objavljivanja Konkursa u dnevnom listu "Oslobođenje".

VI

Nepotpune i neblagovremene prijave neće se uzeti u razmatranje.

VII

Informacije o djelokrugu rada dekana fakulteta/Akademije dostupne su na WEB stranici Univerziteta u Tuzli www.untz.ba (akti/dokumenti-Statut; Pravilnik o unutrašnjoj organizaciji i sistematizaciji).

VIII

Prijave na Konkurs s potrebnim dokazima, dostavljaju se u zatvorenoj koverti na pisarnicu Univerziteta u Tuzli ili putem pošte, na adresu:

UNIVERZITET U TUZLI

- Konkursna komisija - uz naznaku "Prijava na Konkurs za izbor dekana fakulteta/Akademije Univerziteta u Tuzli"

Ul. Dr. Tihomila Markovića broj 1. 75000 Tuzla.